

Liebrich Familie Reunion in Bockenheim

BOCKENHEIM. Im April 2000 iss die Liebrich Familie drei Daag lang zammekumme im glee paelzisch Schtettel Bockenheim.

Datt, wu sunscht als all die paelzische Mudderschprooch-Schreiwere ihr Poems lese (wann der yaehrlich Dialect Writer's Contest iss), sinn meh wie 100 Liebrichs zammekumme vun Deutschland, vun de Schteets, vun France, Switserland un United Kingdom.

Die Idee fer sell henn der **Winfried Liebrich**, der **Gerhard Liebrich** un der **David H. Leebrich** g'hatt. Un sie henn aa 's meenschd vun die

Arewet geduh. En latt Leit henn net yuscht Deitsch, English odder Franzeesisch geschwetzt, awwer aa Paelzisch un Pennsylvaanisch-Deitsch.

Alliebber waar geindresst in Genealogy un hot blendi Neies g'heert un g'sehne.

Die Liebrichs henn en groosser Trip geduh naach Kirchheimbolanden un Sippersfeld (neegscht zu Kaiserslautern). Abbadich vun datt sinn ebmols - meh wie 200 Yaahr zerick - Liebrichs gezogge in die Schteets.

Dann, beim "Paelzer Owed" in Bockenheim, iss guud gesse und getrunke warre. Zweekalls aus de Palz henn Musik

gemacht, un der **Udo Metzmann** vun die Band "Auftakt" hot scheene Songs g'sunge vun wie die Leit gezogge sinn Yaahre zerick aus die Heemet in die nei Welt.

Der paelzisch Schreiwere **Albert H. Keil** hot ebbes gelese in die Mudderschprooch. Zweek Freindschaft henn sell gliedenoh nochmol in english verzehlt, so ass alliebber 's verschtehe hot kenne.

Sell waar ferscher en grooss G'schpass.

*Albert H. Keil
Dirmstein (Pfalz)*